



Derbyn i Ysgolion ac Apeliadau

Taflenni Ffeithiau

Cynnwys

Mae'r Daflen Ffeithiau hon yn sôn am gwynion ynghylch Derbyn i Ysgolion ac Apeliadau. Dylid ei darllen ochr yn ochr â'n tudalen we '[Sut i Gwyno](#)', sydd ar gael o dan y tab 'Gwneud Cwyn'.

Dylid cwyno ynghylch derbyn i ysgolion i'r Awdurdod Addysg Lleol perthnasol yn y lle cyntaf, ond gallwch gwyno ynghylch apeliadau derbyn i ysgolion yn syth i ni.

Yr hyn gallwn ei wneud

Gallwn:

- edrych ar gwynion ynghylch gweithdrefnau derbyn i ysgolion yng Nghymru, a'r broses apelio ar gyfer derbyn i ysgolion;
- edrych ar gwynion gan rieni sy'n credu bod Awdurdod Addysg Lleol wedi gweithredu ei weithdrefn derbyn i ysgolion yn annheg;
- edrych ar gwynion gan rieni sy'n credu bod Panel Apêl Derbyn i Ysgolion wedi ymddwyn yn amhriodol.

Os ydych yn dymuno cwyno i ni, cofiwch wneud hynny cyn gynted â phosibl.

Yr hyn na allwn ei wneud

Ni allwn:

- gorfodi Awdurdod Addysg Lleol i gynnig lle mewn ysgol i'ch plentyn;
- mynd yn groes i benderfyniad a wnaed gan Banel Apêl Derbyn i Ysgolion – fodd bynnag, os ydym yn credu bod gwrandawriad y Panel yn amhriodol neu'n annheg, efallai y byddwn yn argymhell bod Panel newydd yn clywed yr apêl;
- edrych i achosion derbyn neu apeliadau yng nghyswllt ysgolion Annibynnol.

Materion i gadw mewn cof

- Nid oes gan blentyn hawl absoliwt i le yn ysgol ddewisol y rhieni;
- Pan fydd mwy o geisiadau i fynychu ysgol na'r lle sydd ar gael, rhaid i Awdurdodau Addysg Lleol ddefnyddio eu 'meini prawf ysgolion gorlawn' i flaenoriaethu'r ceisiadau. Yn gyffredinol, ni all fod mwy na 30 plentyn mewn dosbarth babanod;
- Mae Paneli Apêl yn anibynnol ar yr Awdurdod Addysg Lleol ac yn clywed achosion yr Awdurdod Addysg Lleol a'r rhieni;
- Mae rhaid i Baneli Apêl benderfynu a ddylai rhesymau'r rhieni dros fod eisiau i'w plentyn gael ei dderbyn i ysgol neilltuol droi'r fantol yn erbyn unrhyw anfantais i'r ysgol pe bai'n derbyn eu plentyn.

Gwybodaeth bellach

Rhaid i Awdurdodau Addysg Lleol a Phaneli Apêl Derbyn i Ysgolion ystyried y Codau Statudol ar Dderbyn i Ysgolion ac Apeliadau. Gallwch lawrlwytho copiâu o wefan Llywodraeth Cymru yn

<https://llyw.cymru/y-cod-derbyn-i-ysgolion>

<https://llyw.cymru/y-cod-apelau-derbyn-i-ysgolion>

Rydym yn annibynnol a di-duedd; ni allwn orchymyn cyrff cyhoeddus i wneud yr hyn yr ydym yn ei argymhell – ond mewn gwirionedd maent hwy yn gwneud hynny bron bob tro. Mae enghreifftiau o achosion yr ydym wedi edrych arnynt ar gael ar ein gwefan, o dan y tab 'Cyhoeddiadau' ar y dudalen ['Ein Canfyddiadau'](#).

/

Cysylltu â ni

Os ydych yn ansicr a fyddwn yn gallu edrych i mewn i'ch cwyn, [cysylltwch â ni](#), drwy ffonio 0300 790 0203 neu ebostio holwch@ombwdsmon.cymru

Mae'r ddogfen yma ar gael yn Gymraeg a Saesneg. Gallwch ysgrifennu atom yn Gymraeg a byddwn yn ymateb yn Gymraeg. Ni fydd hyn yn arwain at oedi cyn ymateb.

Holwch@ombwdsmon.cymru

0300 790 0203 Mae ein llinell ffôn ar agor rhwng 10yb-12:30yp a 1:30yp-4yp Dydd Llun - Dydd Gwener